

cum rhabarbaro, bizantino, & de radicibus. E-
uacuatio quinetiam per halitum conuenit, quæ
quidem fieri debet cum rebus aperiētibus & re-
soluentibus, vt olea sunt, & balnea præsertim Pa-
tauina. Pro corroborando hepate, extrinsecus
maximè conuenit in hoc affectu frigidus huius
partis oleum de spica & de absinthio, & confe-
ctioes habentes vim corroborandi. Vtile etiam
erit ægroto in curando affectu, si singulis septi-
manis vtetur pillulis de hiera & rhabar. idque vt
tollantur obstructions, & interdum casia cum
rhabarbaro.

CONSILIVM CCLIII.

*Pro nobili, cui hepar inflammatum, & ventri-
culus debilitatus erat.*

VIDAM nobilis à quibusdam rei medi-
cæ imperitis persuasus, maluaticum ni-
mum hausit, ac in vindemia vinum ni-
mum, vtpote fretus hoc consilio, vt im-
becillitas ventriculi, quæ ex frigiditate ortum ha-
bebat, corrigeretur: cumque ad potum vini for-
tioris ætas calidior accessisset, inflammatum est
illi hepar, cuius demum intemperatura multo
maior ventriculo imbecillitatem conciliauit.
Nam cum actiones hæ sint ventriculi, appetere
cibum, ingestum retinere & concoquere: duæ e-
ius partes sunt: superior, quæ nimirum appetit,
sicior ac frigidior: inferior verò calidior & humi-
dior. At verò caliditas nimia hepatis exiccat hu-
midum, cum quo calor dissoluitur: nulla est con-
coctio, nec appetentia cibi vlla, ob ventriculum
calefactum nimis. Quid ex his prognosticandum?
Corporis imbecillitas: quia ventriculus non con-
coquit, sed corrumpuntur verius omnia, quare
vomitus frequens: & quia obstructum hepar, atque
etiam supercalefactum, nulla est in corpore san-
guificatio. Calefactio hepatis & obstructio tollen-
da esset missione sanguinis, à qua abstinendum
est propter virium imbecillitatem, ne magis pro-
sternantur. Quare diæta ventriculus corroboran-
das, & ministrandi cibi pauci, & facilis coctionis.
Interdico illi vino omni, nisi austero. Decoctum
endiuiæ bibat, nam omnia cichoracea confortan-
do ventriculo apprimè sunt vtilia. Dico autem
cichoracea, endiuia, sonchon, & si quæ sunt alia
id genus: nam quia amara, ideo sunt calida: cale-
faciunt igitur & confortant, & leniter etiam refri-
gerant. Quare syrupum de cichorea cum rosato
ordinavi. Confortato ventriculo, totoque adeo
corpore, accedam ad infrigidationem hepatis,
quæ fiet per phlebotomiã basilicæ dextri lateris.

CONSILIVM CCLIIII.

*Processus Montani in cura cachetici seu ad hy-
dropisim dispositi.*

TTENDAMVS primò symptoma-
ta in hoc adolescente, & percurramus
per istos sex scopos à Galeno nobis
traditos. Actio læsa apparet in coctio-
ne, distributione & nutritione. Secundò, tumo-

A rem videmus. Tertiò accidentia, color plus iusto
albus, non viuidus percipitur. Quarto, dolor in
hypochondriis sentitur. Quintò, qualitas mutata
deprehenditur. Execuntia, nondum vidimus ege-
stiones, sputum, vrinam. Habet hic adolescens
intemperiem frigidã hepatis, videlicet eam con-
tractam ex pororum cutis obstructione, cum hu-
mi cubaret: quare facillè potuerunt fieri obstru-
ctioes, cruditates, malæ coctiones, malæ distri-
butiones & sanguificationes nõ satis commodæ.
Spiritus intrinsecis contingit idè quod extrin-
secis, quòd crassentur infrigidati. Habet etiam
catarrhum, qui occupauit tracheam, quare per-
tussim sputum reicit. Et pars circa cor est magis
tumida, quod mirum est, fortassis propter mate-
riam frigidam ibi collectam: & sentit aliquam
tensionem circa hypochondria. Tumefactio de-
pendet à frigiditate. Obseruanda igitur hæc sunt.

Tumefactio faciei, pedum, thoracis pendet ex
frigiditate hepatis.

C Hæ ex frigiditate totius habitus.

Ille ex obstructione pororum cutis.

Ista ex humi cubatione, & fortè etiã inordina-
to regimine: adde etiam catarrhum frigidum nõ
parum ad morbum facere.

Cura erit per calefacientia, aperiencia & corro-
borantia hepar. Corroboramus hepar, quum ad
temperaturam suam reducimus. Est autem frigi-
dum & humidum: ergo cū calidis & siccis occur-
remus. Dabimus itaque intrinsecus qui aperiunt
& euacuant, & corroborant etiam. Exterius præ-
paremus linimenta, & frictioes ad eundem v-
sum. Extrahemus malum, & adducemus alimen-
tum commodum.

Prognosticum. Scribit Cornelius Celsus in ca-
pite de hydrope, contentionem subortam inter
duos Medicos de Cura cuiusdam hydropici: al-
ter enim negabat eum posse curari, alter affir-
mabat: tandem cum is qui affirmarat, satis eui-
dentes rationes curæ attulisset, respondet alter:
E Mihi satis placent rationes tuæ, sed dic mihi,
curabis ne hominem, qui vult edere & bibere
quantum vult, & minus obtemperare Medico?
Ego (inquit) ad animum respicio, ille ad mor-
bum. Ita ego facio Prognosticum. Si obtem-
perauerit hic patiens, poterit sanitati pristinæ
restitui.

Sed quomodo incipiemus curam? Dandum
erit quod communes materias euacuet, & mihi
summè placeret hiera in forma electuarij: audio
autem datas pillulas aggregatiuas. Vos perpe-
tuò hoc habeatis in memoria, vt quotiescunque
aut febres curaueritis, aut obstructions in cor-
pore inueneritis, caueatur ab iis quæ adstringunt,
sicut sunt pillulæ aggregatiuæ: nam intrant my-
robalani, rhabarbari cum aloë. Sed dices in hiera,
quam offers, etiam intrat aloë. Respondeo.
Verum esse, sed tamen corrigitur ab aliis ingredi-
entibus, cinnamomo, azaro, carpobalsamo, pro
quo ego vtor cubebis, quia carpobalsamum nunc
non habetur.

Dicam vobis historiam. Quidam Medicus de-
dit nobili cuidam pillulas aggregatiuas, & nihil
eduxerunt: ego superueniens, consului vt acci-

*Pro Carpobal-
samo Cubebe
sumenda.*

Historia